

北京大學日刊

第七十七號

除星期日外
每日出版
附張兩張

編輯部 北京後門內景山東街(馬神廟)北京大學內
經理部 電話東局一千零七十二號
報資及 每份銅元兩枚每月本京三角外省四角五分郵票不收
告白費 廣告用四號字七日以內每字八厘一月以內五厘長期面
訂五十元起算封面中縫加倍

●本校紀念冊編輯處啓事

紀念冊籌備已久印刷需時本編輯處擬請各方面將應行送登之材料及已允担任之稿件於陽歷三月十五日以前送至校長辦公室徐伯軒先生收俾紀念冊得早日告成想本校同人必均贊成此議也

●校長啓事

教職員及學生諸君公鑒本校現擬徵集全國近世諸語除將簡章登載日刊敬請諸君帶同搜集材料外所有內地各處報館學會及雜誌社等亦祈各就所知將其名目地址函交法科劉復君以便郵寄簡章請其登載此頌公綏(簡章見二月一日紀事欄內)

蔡元培敬白

●中西印書館廣告

近世科學大創日新月異若非有印書局爲之流佈則深居簡出之士不免墨守古法不能競逐於二十世紀之戰場故有心之人莫不以設立印書局爲唯一之急務蓋既可聯絡感情復可介紹學問此同人等所以組織印書局之本意也今已成立定名曰中西印書館開設於騎河樓姐房內工人皆係津滬老手諸先生如欲刊印各種書籍雜誌簡章傳單等件無不格外克己且敝館爲推廣行業起見若在五拾元以上有人爲之確實擔保則可緩付一月如有願向敝館刊印者請駕臨敝館接洽可也

●學術講演會啓事

本會於三月三日(星期日)仍在下列各處講演列表如左幸聽講諸君注意

| 講演科目 | 講演者 | 地點 | 日期 | 時間 | 講演次數 |
|-------|-----|------------------|------|--------------|------|
| 現代心理學 | 陳大齊 | 西城手帕胡同教 育部會場 | 三月三日 | 上午九時至十一 時 | 第二次 |
| 社會與教育 | 陶履恭 | 琉璃廠北京高等 師範 | 三月三日 | 上午九時至十一 時 | 第一次 |
| 燃料 | 王星拱 | 東安門北河沿北 京大學法科 | 三月三日 | 上午九時至十一 時 | 第二次 |

●中華郵政特准掛號認爲新聞紙類

●本日刊編輯部啓事

本日刊現擬增設通信一欄凡校內外諸同學如有關於學術上之研究及一切身興味之通信均祈投寄本日刊編輯部爲盼謹告

●本日刊經理部啓事

(一)閱二十日日刊所載本校致教職員公函知分送辦法自三月一日起一律取銷查本日刊爲本校唯一之出版物其中新聞關於教職員者甚多想諸先生或樂於續閱也茲遺信差携簿前來諸先生如願續閱請簽名於其上至報資交信差帶下或由會計課代墊均可謹告

(二)本日刊現委託號房零售日刊此後諸君願零買者請至號房購買至欲訂長期則請至敝部接洽謹告

本校布告

▲校長布告

頃學長會議議決暑假後

全校各種講義一律停發

▲校長布告

法預科二年級德文班學生陳迪光一年

級法文班學生鄭汝翰一年級英文甲班學生袁文安一年級英文乙班學生徐大

綸曠課均逾本學期授課時間三分之一

校長已有布告令該生等休學

本校預科補習班學生鍾應沐函請休學

一節已經校長照准

▲文科布告

(一)自下月起英文門三年級威爾遜先

生停講一二年級修詞學均改由威

爾遜先生教授此白

(二)本科各門旁聽生於旁聽時務各携

帶旁聽証並須各就編定坐號入座

聽講否則照章辦理此白

二月二十五日

▲理科布告

(一)預科一年級乙班學生楊東昇准其辭退班長之任茲改派余文波接充該班班長此白

(二)致數學教授會諸君公函

來函敬悉所提議諸事弟均贊同已命教務處辦理矣特此奉復

(三)致理科全體教員公函

敬啟者理科現決定發行雜誌一種名理科大學月刊以學生諸君任編輯學生有所著述時可自擇一理科教員或數理科教員請其指導修改定之稿本人用月刊稿紙繕清由教員簽名負責意未知如何夏元璽

(四)理科學長致理科各班主任公函

前曾致函諸君言理科現擬編輯雜誌一種組織分三部(一)編輯部全以學生諸君任之謂本預科每班各公推一學問最佳者充本班編輯員同班諸君稿件均交彼經理(二)審查部以理科教員任之取編輯員交來各稿件審決去取修改文詞(三)印行部辦理抄寫校對付印發行諸事由校中派人專司其事云云現已接得多數覆信均極贊成此舉即可作為決定辦法仍舊自三月一日起實行各班編輯員乞於月底以前一律准定通知鄙人

以便進行夏元璽

(五)理科大學發行月刊辦法草案

一理科大學月刊每月出一本體例大略如下 學術 特別問題 教授法 譯名商榷 新著提要 研究所報告 理科紀事 試題彙錄 通信 等類 稿件全用漢文惟專門名詞不得已時可用西文不載譯稿稿件貴理新詞簡陳舊無味之談一概不取

二組織分三部由理科學長總理一切 (甲)編輯部 理科全體學生均為編輯部員本預科每班各公推一學問最佳者為本班編輯員同班諸君稿件均交彼經理 (乙)審查部 理科全體教員均為審查部員學生有所著述可自擇一理科教員或數理科教員請其指導修改定之稿本人用月刊稿紙(由教務處發給)騰清交與編輯員由編輯員封交學長惟教員須簽名負責 稿件去取由學長定之 無師可得之著述可直接由編輯員交與學長 丙印行部 辦理文牘庶務等事由學長派人專司其事

三本月刊於三月一日開辦 四每班每月至少必有文一篇編輯員須負責任 五學生無論有何種意見均可由編輯員與學長商酌辦理

▲國文研究所布告

本所課程時間表

| 科目 | 教員 | 會期及時間 |
|-----|-----|---------------------|
| 音韻 | 錢玄同 | 三月九日 (第一星期六) 三時至四時 |
| 形體 | 錢玄同 | 三月三十日 (第四星期六) 三時至四時 |
| 形體 | 馬夷初 | 三月廿一日 (第三星期四) 一時至二時 |
| 語訓 | 陳伯弢 | 三月十六日 (第二星期六) 二時至三時 |
| 文字學 | 黃季剛 | 三月廿三日 (第三星期六) 三時至四時 |
| 文學史 | 黃季剛 | 三月十六日 (第二星期六) 三時至四時 |
| 文學史 | 劉中叔 | 三月廿六日 (第四星期二) 三時至四時 |
| 文學史 | 朱邊先 | 三月六日 (第一星期三) 三時至四時 |
| 文學史 | 劉申叔 | 三月十四日 (第二星期四) 三時至四時 |
| 文學史 | 吳瞿安 | 三月十四日 (第二星期四) 三時至四時 |
| 文學史 | 劉叔雅 | 三月三十日 (第四星期六) 四時至五時 |
| 詩 | 倫哲如 | 三月六日 (第一星期六) 四時至五時 |
| 詩 | 劉農伯 | 三月十三日 (第二星期三) 四時至五時 |
| 詞 | 倫哲如 | 三月二十日 (第三星期三) 四時至五時 |
| 詞 | 劉農伯 | 三月廿七日 (第四星期三) 四時至五時 |
| 曲 | 吳瞿安 | 三月廿一日 (第三星期四) 四時至五時 |
| 小語 | 劉半農 | 三月十五日 (第二星期五) 四時至五時 |
| 小語 | 周啟明 | 三月廿九日 (第四星期五) 四時至五時 |
| 小語 | 胡適之 | 三月廿九日 (第四星期五) 四時至五時 |

▲庶務主任布告

三月份膳費定於二月二十六七兩日每日上午九時至十二時下午一時至四時半徵收附膳各生務於此兩日內赴會計課繳納特此布告

三餐徵收現洋二元四角 紙幣三元

▲書法研究會通告

本會簡章於二月二十日開第二次大會將草案逐條通過略有修改茲公布之 北京大學書法研究會簡章 一集合校內同志研究書法互相觀摩以資競進

兩餐徵收現洋一元三角五分 紙幣一元六角五分 二月二十三日

本日刊爲推廣營業起見凡各界願在本日刊登廣告者一經刊登即在本報內之月蓋本日刊爲北京大學惟一之出版物與教員學生最爲接近且北京大學內之學員學生已逾一千餘人其銷路之廣較他校學報遠甚有此二種理由故廣告之效用最易顯見望各界切勿失此送登廣告之良好機會也

二凡屬本校教職員及學生有志研究畫法者均得入會爲會員

三本會由校中延請畫家數人爲導師指點途徑講演法則寫示範本評議成績

四每月開會一次或二次導師會員一律出席研究畫理並討論會務

五會員入會後須認定門類各自練習每星期彙集稿本由幹事呈導師評議其逐日練習所用之顏料紙筆概歸自備

六每季由導師將會員成績彙訂或裝滿存校保存成績豐富時得定期開展覽會

七畫之門類暫區本國畫外國畫二部其詳細類目另定之開始時得酌量情形先辦若干類日後漸次擴充

八本會於每年春秋兩季開大會時用雙記名法公舉幹事二人辦理一切任期半年

九本會簡章有未盡事宜俟春秋兩季開大會時公議修改

本會於二十二日晚開第二次大會用雙記名法選舉幹事投票結果狄福鼎君得三十八票陳邦濟君得三十四票當選爲本會幹事此佈

本會新近印有會員調查表業於第二次開大會時當衆分發請各會員填寫已

有五十餘張其有當場因故未填及因事未能到會者務祈於一星期內到西齋內字三號陳邦濟君處或內字十二號狄福鼎君處領表照填無任欣禱此佈

▲籌備消費公社委員會布告

本社定於三月三日即星期日九時半在文科第一教室開成立大會除專函奉聞外特此公告

本校紀事

▲理科化學門教授會紀事

俞同奎記

二月二十三日開第一次會

是日到會者有王君兼善陳君世璋丁君緒賢郭君世瑄俞君同奎五人巴台爾君及虞錫麟君因事未到託俞君同奎代表意見

是日俞君提出討論之問題如下(一)下學年之功課及鐘點有否增減之處(二)預科講義及實修之程度應如何方能與分科銜接且免衝突(三)下學年預科各班用講義或用教科書之商榷(四)下學年分科各班用講義或用教科書之商榷

(五)各班教授細目訂出後應如何歸總

編定法(六)研究所之開會日期及教員分之任辦法

對於第一條問題王君兼善郭君世瑄均認爲分科之實修鐘點過少王君兼善並主張將化學科第一年定性分析再添三小時第一年級學生請願減少數學鐘點一事歸數學門教授會辦理預科一二年級應添實驗與否俟教授細則訂出後再議

(未完)

▲數學教授會記事

二月二十三日下午三時數學教授會開會到者

王仁輔 馮祖荀 李祖鴻 程振鈞 胡溶濟 羅惠僑 秦汾

(一)議決下學年各本科及預科三年級數學課程仍照舊章各科預科一二

年級則照教育部改訂之新章辦理

(二)議決編纂本部學科課程表一冊列舉各學科爲有統系之編纂並說明各科之內容及應用之課本及參考書等

本部學科依其性質分爲七類由主任就本部教員內推舉編纂員分任編纂之職

各類編纂員列下

(甲)解析學 馮祖荀 程振鈞

(乙)幾何學 王仁輔

(一)談論現時政治及宗教問題 (二)攻訐他人 (三)稿件須寫清楚註明投稿人之姓名學生投稿應註明門類年級 (四)稿件之登出與否何時登出及如何登載概由本刊斟酌辦理 (五)稿件無論登出與否除特別申明者外概不退還

(丙)代數 秦汾 胡文耀

(丁)理科 羅惠僑 胡溶濟 金濤

(戊)法科 梁鉅屏 鍾鵬

(己)文科 石鴻翥 李祖鴻

(庚)雜類 秦汾

各教員就現所擔任之學科將其內容等項詳細填入節略表中於三月五號前依類分交各類編纂員

各編纂員彙集教員之節略表斟酌情形參以已見編成各類有統系之課程表於三月十五日前交與主任

由主任編就本部課程表俟下次開會時提出公議決定之

(二)議決各學科凡有適當之教科書者以用教科書爲相宜

本校瑣聞

湘省津貼本校各本科湘籍學生曾經規定十名遇有缺額即於操行列入乙等以上試驗成績在八十分以上各生中擇優項補現因津貼生十名中有朱方蕭毅劉秉麟陳繩威等四名業於去年六月間畢業除朱方一名因仍入研究所研究繼續發給津貼外其餘缺額三名該省已來公文照章以劉陟駱鴻凱楊琦項補

文藝一

書吾我篇後

理科數學門毛準

吾于「書爾汝篇後」中。曾謂古人用吾我余予諸字亦無有定法。其可推述者。僅因勻調而生差異耳。今見胡君之「吾我篇」。甚欽其思慮之縝密。因亦聊伸圖懷。用招廣益。

胡君謂「吾」字用于主次。不可用于賓次。其用于賓次者。非錯寫。必係後人之反法。非復古人之用法矣。又謂「我」字用于賓次。爲外動詞及介詞之止詞。有時亦用于主次者。以示故爲區別或故爲鄭重之意耳。準謹按「吾我」二字。古人用于主事格。(主事)並無分別。吾字用于主事格。胡君既證明之矣。若詩書所載。凡本身人稱詞之主事格。非言即台朕予。則必我也。則我字可用於通常之主事格亦明矣。試進而校之。莊子人間世。「今吾朝受命而夕飲冰。我其內熱歟。」此吾與我。將何而異。然猶可釋之曰。以其著意言之。故用高音之我以代平音之吾。且莊子後於作論語時。蓋已多年。(胡君之例證。大都取諸論語)語律或有變易也。謹舉他例。禮記文王世

子。(我百爾九十。吾與爾三焉。)此我吾二字皆與「爾」字並舉。又論語公治長。『子貢曰。我不欲人之加諸我也。吾亦欲無加諸人。』則我(第一個)吾(一語同與)人字對稱。是果何故而於一句之中。吾我並出乎。蓋除了「變易聲氣以趁勻調」外。無有可以解釋之者。若夫一人之口。頃刻之間。忽吾忽我。無有規律者。記於經傳。不可勝指。(憶余前文亦略舉之)。多不能以「以示故爲區別或故爲鄭重」釋之。如皆疑爲「係涉上下文而誤者」。恐無此理也。蓋吾我二言。一語之轉。其初本別國之方言。或異代之殊名。(我之通行先於吾。說詳後)。其後皆漸成爲諸夏之通語。人之語言。或囿於土俗。或循夫舊遺。此所以雖同爲本身人稱詞。同在主事格。說之者爲同時之人。而或吾或我。有不同也。若同名疊出。嫌於難聽。故有一語之中。二字兼用。以調辭氣者矣。

古人於受事格(賓次)多用我而罕用吾。乃爲事實。蓋吾字之音。爲陰聲閉口之極。氣觸牙。鬱不得宣。而受事格上承云謂。或介系。下有「語已」之勢。若作「吾」。難得調達。我音稍中舒。故古人於本身人稱詞之受事格多用我而不用吾。亦多用予者。(論語先進。『天喪予。天喪予。』屈原賦中。受事格多用予。鮮用我)予與吾聲勢雖同。然予字之音。氣出中宮。無唇舌齒牙之碍。縱閉口之極。亦易於中舒。(證見後)故亦利用于受事格也。而吾人于此亦可推知古人于本身人稱詞之受事格亦無定名矣。(馬氏謂弗詞之句。間用吾字于外動之賓次。以其先乎動字也。其見甚卓。除馬氏所舉之例及胡君所指論語中「毋吾以也」「不吾知也」「雖不吾以」「三條外。墨子公孟。『言仁義而不吾毀』。離騷『恐年歲之不吾與』。『不吾知其亦已兮』。皆其證。不能一一謂之誤寫也。(未完)

味蔗書屋刻記

文科哲學門康白情

易曰河出圖洛出書聖人則之所謂近取諸身遠取諸物以天然之文召人爲之文故謂之通乎神明可謂其有玄秘之奧則不可孔子有鳳鳥不至河不出圖之歎者孔子固信命窮極而歸諸天也

緯稱三皇無文字當是指天皇氏地皇氏人皇氏結繩之治不然伏羲畫卦實創書契又黃帝以前有蟲書雲書若指義農安得云無文字

文王廢伯益考立發爲太子與賢之意亦翦商之意也 (未完)

▲亞拉伯人民寫真記 (續)

美國惠 亭原著
工科譚伯英譯

(八)家族之狀況

重男不重女爲該邦之慣俗生男則榮養女則羞設詢婦女曰汝有令郎否彼必應曰妾有三男二女從未答有三女二男也故婦人多生女兒者自覺羞媿而乃夫必輕視之甚或因之發生離婚問題否則亦當允許另納小星惟是邦女子訂婚時家族所得聘金甚豐不啻視爲掌上明珠獨是平日反輕視之吾甚不能了解或曰生子得爲承繼人耳農民普通談及禽獸或不佳食物而含謙和語氣者皆曰不可近某物等語(即夷不屑之意)論及女子亦如是其藐視婦人幾同禽類雖然現猶有少數女子掌握家權自尊自貴僱僕環侍裝飾華麗性驕易怒旁若無人如第九圖可想見其雌威矣 (未完)

正誤 二月二十三日日本刊第四版 (文藝格) 第二欄第十九行「爾之愛我也不如彼」八字係誤美特此更正

北京大學招商投標承買鉛字及附屬銅鐵木等器具廣告

本校所有之洋文鉛字二千餘磅及附屬銅手盤鐵盤木盤木架等件現擬招商投標承買定於陽曆二月二十日起任憑各商到本校商議接洽合須看準於二月二十三(星期六)上午十一時在維務課當衆開標 (一)價高者得但須在本校所定之價各以二

介紹 指頭書家

張鑑字鏡波一字智通江蘇高郵縣人善書尤工指畫代爰爲介紹並酌定潤例如

PEKIN-UNIVERSITATO

Chiutaga Gazeto

北京大學日刊第二張

Red. & Adm.:
„Pekin-Universitato,”

The Government University,

Peking, China.

Prezo:

1 numere 2 ¢

1 monate {loke 30 ¢
 {aliloke 45 ¢

P.m. ne akceptata.

文藝二

廢娼問題之中心人物 (讀)
(進德會譯著)

日本油谷治郎七著〔本年一月大學評論〕

周作人譯

二英國 英國之根抵中既有清教徒風氣之傳襲加以曾受出於凱爾賓主義之威式黎派之化故男女間之清潔極所置重與美國同顧國力既富富人亦愈多女子大集於都市男子則多移居海外十九世紀時尤臻其極甚苦女子之過多於是足以引起社會風紀問題之事實時或發生而對抗此種問題之運動亦隨以興起傳染病條令已發布於十九世紀中葉實有允認公娼之概政府遂實行檢懲而又適為廓清運動開端之烽火宗教界教止育界有識之士皆大揚反對之聲是有畢生盡瘁於廢公娼之事者曰約瑟芬巴德羅女士其人為利物浦教育家之妻舉所有熱忱並用諸救濟其同性之女子奴隸之業當條令廢止運動開始時雖教會頗趨贊和大有孤軍奮戰之觀越數年輿論遂為之動蓋苦鬪十七年乃見此法令之廢止者也爾後復興白十字運動行業彌奮女士本弱女身非壯夫第為念其可憐之性同之至情與慨世之人道的憤怒故此劇甚之奔走亦毅然任之遂歷大陸為游說力欲振起世界的輿論由是作始而此種運動終乃各處俱興或由教會結合或由地方組織公娼廢止不俟言他如豫防花柳病傳染如振肅下級女子之貞專觀念如保持青年男女之純潔又如救濟墮落女子等各種目的之運動漸並興起以巴德羅女士之運動為中樞復有博士亨利威爾遜議員斯企華等有志之士相合組織公娼廢止同盟更使歐洲各國仿行之以國際的相聯絡造成全歐統一之大同盟各國並有機關雜誌進行其事

每年開國際的大會一次以討論此問題有雜誌曰「盾」者其機關也此外又刊行小書甚多不遑歷舉巴德羅女士之友威爾遜博士以去年歿其妹威爾遜代之為運動之中樞亦有與海陸軍之聯絡活動今方努力以圖廓清思想之普及也

尚有千九百十年所立之團體曰社會廓清國民十字軍於社會之純潔保持即所謂廓清運動深所努力各種勢力遂俱向此目的而集中英國國教會及加特力教會之牧師猶太教之教師救世軍之蒲斯夫人社會改良家克特培黎夫人社會主義者惠勃夫人皇室牧師查普曼新聞記者堪兌那評論之評論記者斯諦特奧斯福之神學教授額毗論壇之勇士伊斯退拉契爾及堪獲特等為其中心此外以團體運動者有英國國教會內之清潔協會(千八百八十三年創立)國民警醒協會(千八百八十五年)等白十字同盟(千八百八十三年)則國教會以外之各教會如加特力教會自由教會等各派皆參與之實為廓清運動之中心力欲振起法律制度之改革及為問題根本之男女兩性間純潔之精神千九百六年開大會於倫敦曰公眾道德大會凡亘二日以家庭與純潔教會與純新聞雜誌與純潔法律與純潔等題目開諸名士之講演會焉此外復有青年廓清同盟者為誓守結婚前之純潔之男子青年同盟全國有支部六百九十會員二萬創始於千九百三年第蘭孚德氏其指導者也且又活動於海外殖民地加那大耶馬加等處均有支部機關雜誌之發行數凡八萬云與此相抵者亦有女子青年間之運動曰雪華會華德遜女士之所率也若更數私人運動則謂之大小無數殆無不可也 (未完)

通信

致「成美學會」書 (孫國璋)

日前胡先生談及成美學會之發起，頓觸舊時觀

念：一則此種組合之團體，曾於某處親見其會章，惟不能記憶其發起人爲誰何耳，倘能併合，效力尤宏。二則贈人以錢，不如贈人以學，此爲鄙人之素願。今此會組織，更進一層。紹興師爺，不能專美於前矣。何快如之。謹以百元爲涓埃之助。（每月五元，暫定二十個月）。專肅，並祝 成美學會萬歲！

中華七年二月二十四日孫國璋拜啓

* 幕僚夙稱師爺，而尤以紹興爲最著。紹興師爺，每集貲爲同人中之一人捐官，官旣得，則凡署中之刑，錢，徵收等師爺，以及書吏等雜職，無不以同盟中人充之。彼此提携，馴至利益均沾而後已。

雜 錄

墨子之經濟思想

法科經濟門王少右譯

一序說 一墨子名翟墨其姓也就其時代言人人殊在史記或曰與孔子同時或曰在孔子之後〔孟荀列傳〕故爲存疑之詞在漢書則斷言在孔子之後而張衡言在子思之時（後漢書本傳注）又就其生地或以爲魯人（呂氏春秋）或以爲宋人（葛洪神仙傳）或以爲楚之魯陽人（畢沅）此等議論至今日尙未決定然近時研究墨子最有名之孫詒讓由種種之根據而斷定墨子生于周定王時死于安王之末年享八十餘歲之高壽又其生地據呂氏春秋所載與孔子同爲魯國人此說較爲妥當頗足置信今姑從之其生平行事亦多散佚弗能深考在史記（孟荀列傳）唯有（墨翟宋之大夫善守禦爲節用）而已在漢書（藝文志）以尹佚兩篇爲墨家之首位據此觀之則墨子爲史佚之後裔史角來魯後由其子孫之留魯者而得其學之端緒歟其在宋也于爲大夫外其足跡所及嘗至北齊使西衛又屢遊楚後將適越而未果在文子稱墨子無煖席即其証也其止魯陽文君之攻鄭（魯詞篇）絀公輸般而存宋（公輸篇）也皆爲其書中顯著之事跡其學說一時非常流行有壓倒儒家之勢孟子極力排斥之其書中亦有「我弟子禽滑釐等三百人」（公輸篇）韓非子亦有（孔墨之後儒分爲八墨離爲三）（顯學篇）以是知其爲當時諸子中最盛者之一也又墨子之人格亦極偉大至後世秦漢論聖人則以孔墨併稱是非獨儒家以外者之言即儒家自身亦爲此言但其學漢以後遂

衰而不傳矣隔二千年至今日東西學者間研究其學者
再盛亦一奇也

北京之德文研究社

九納費 每生每學期應繳學費洋十八元每月三元該費應於開學前繳齊如真實有志而力不及者得由保證人向本社填明欠欸證書按月陸續繳付惟不得逾本學期

十校址 西城西斜街後泥灣東口一號

十一教授 以德語爲主要中語輔之

十二課目表

初級班第一學期

拼法 書法 讀法 默書 生字 練習 讀書
 編句

表一覽會集

二月念六日——三月四日

注意 如有錯誤遺漏請通知本日刊編輯部

| 會期 | 時 間 | 召集者 | 會 所 | 摘 要 |
|--------|-----------|-------|---------|---------------|
| 二月二十六日 | 下午三時半至四時半 | 哲學研究所 | 研究所 | 章行嚴先生演講選輯學史 |
| | 下午三時半至四時半 | 哲學研究所 | ，， | 胡適之先生演講中國名學 |
| | 下午三時半至四時半 | 哲學研究所 | ，， | 劉攽珊先生演講老莊哲學 |
| ，， | | 理科研究所 | ，， | 巴台爾先生演講橡皮膠之製法 |
| 三月三日 | 上午九時半 | 消費公社 | 文科第一教室 | 開成立大會 |
| | 上午九時至十一時 | 學術講演會 | 教育部教育會場 | 陳齊先生演講現代心理學 |
| | 上午九時至十一時 | ，， | 高等師範 | 陶履恭先生演講社會教育 |
| | 上午九時至十一時 | ，， | 北京大學法科 | 王星拱先生演講燃料 |
| | 下午三時半至四時半 | 哲學研究所 | 研究所 | 陶孟和先生演講社會哲學史 |

北平中華新報館寄售書籍

章太炎先生著 **章氏叢書** 太炎先生學術文章彪炳海內學子每以不得良先生著全部爲一前年秋間先生及門諸君在覺集先生生平著作都爲一集曰章氏叢書內容爲：
（一）**論衡** （二）**劉子政左氏談** （三）**文始** （四）**新方言** （五）**小學問答** （六）**莊子解故** （七）**管子餘義** （八）**齊物論釋** （九）**國故論衡** （十）**檢論** （十一）**太炎文錄全書共訂升四冊天地甲乙二種**

甲種中國連史紙印 定八元 乙種洋地 定價六元 不折不扣
書已絕版購者從速世德堂本六子 老莊荀子楊子列子文中子遺誤非詳浙江官書局所刊二十二子多以世德堂本爲祖本可是書之價值可想而知而影印本字極大用紙更重更精印四元○章太炎先生手寫**文始**先達於小學而以文始爲生平最精華之直挾千載未發之秘有志斯學者自宜手置一編定價一元○**購書例** 命人以現洋計算一本京購書以郵片示知可以加郵費外送呈領價一京外購書如用郵票代價加一計算並外加郵費

白敬部籍書報新華中同胡絨線京北